



Սայաթ Նովա

Յար, քիզ իսկի գավալ չրի

Էս էլ Գիբա ու յինգիդունիայի հանգում. Արուֆինի ասած,

Յար քիզ իսկի գավալ չրի՝ քու դուշմընին շառ բաց արած.
Հուտըդ աշխարըս բըռնիլ է՝ բալասանի ծառ բաց արած.
Թըխտիրըդ օսկե վարադով Ասմավուր իս՝ ճառ բաց արած.
Տեսնողը շարքը չի գիդի, Լուսնաստըդ պայծառ բաց արած:

Ամեն մարթ չի կարա մըտնի՝ էշխիդ ջուրը յիդ է, գա՛լում.
Մըտնում է յարսուն կարմուշը, չասիս թե մե գիդ է, գա՛լում.
Ունքիրըդ սալիդ սադադ է, թերթերուկըդ նիտ է, գա՛լում,
Մըտնողը էլ չի դուս էհա, դուռ, մահու պատճառ, բաց արած:

Բարակ մեճկըդ դարդուդամիշ, Էրեսըդ թայգուլի նըման.
Օրը յարսուն ռանգ կու փոխիս, վունց մեկը չէ տուլի նըման.
Յիփ խաղում իս՝ վառվրոտում իս օցի բերնի հուլի նըման.
Մութը տիդը լուս իս տալի առանց կըրակ՝ վառ բաց արած:

Բարովին բարով չի՛ս տալի՝ թաքավուր սայամի պես.
Ձեռնիրըդ սիպտակ մաքադաթ, լիզուդ օսկե դալամի պես,
Չար ու գարբաբե դըրոշա՛ ման իս գալի ալամի պես.
Տեսնողը Էնպես կիմանա՝ շահ իս գալի, ջառ բաց արած:

Յա՛ր, քիզանից հիռանալըս մեռնելուս վըրա դըժար ա.

Լիզուդ քաղցր, խոսկրդ քաղցր, ակրոքնիրդ անգին քար ա.
Յիրիք քսան ու տասը խալը Էրեսիդ բոլորքը շար ա.
Վունց օր Սայաթ Նովու լիզուն յոթանասուն բառ բաց արած: